

Sheria Ndogo (Uanzishaji wa Mfuko wa Afya ya Jamii) za Halmashauri ya Wilaya ya Korogwe

TANGAZO LA SERIKALI NA. 195 la tarehe 11/06/2004

SHERIA YA SERIKALI ZA MITAA (MAMLAKA ZA WILAYA),
1982

(NA. 7 YA 1982)

SHERIA NDOGO

Imetungwa chini ya Kifungu cha 148

SHERIA NDOGO ZA (UANZISHAJI WA MFUKO WA AFYA YA JAMII) ZA
HALMASHAURI YA WILAYA YA KOROGWE, 2004

Jina 1. Sheria Ndogo hizi zitajulikana kama Sheria Ndogo za (kuanzisha
Mfuko wa Afya ya Jamii), Halmashauri ya Wilaya ya Korogwe, 2004.

Matumizi 2. Sheria Ndogo hizi zitatumika katika eneo lote la Mamlaka ya
Halmashauri.

Tafsiri 3. Katika Sheria Ndogo hizi tasfiri za maneno zitatumika kama
ifuatavyo:-

Namba 7
ya mwaka
1982 "Bodi" maana yake ni Bodi ya Huduma za Afya ya Halmashauri iliyoungwa
chini ya sheria ya Serikali za Mitaa (Mamlaka za Wilaya) ya mwaka
1982;

"Kadi " maana yake ni kadi itakayotolewa na Bodi kwa mwanachama;

"Halmashauri " maana yake ni Halmashauri ya Wilaya ya Korogwe;

"mchango" maana yake ni mchango wa hiari, utakaotolewa na
mwanachama wa Mfuko wa Afya ya Jamii;

"Mganga Mkuu wa Wilaya" maana yake ni daktari ambaye ni msimamizi
mkuu wa shughuli zote za huduma za afya wilayani;

"huduma za afya " maana yake ni huduma zote za afya zinazotolewa na
hospitali za serikali na watu binafsi; na zinajumuisha huduma nyingine
za afya zilizoanzishwa kwa madhumuni ya kutoa huduma za afya ikiwa
ni pamoja na vituo vya afya na zahanati;